



Jumat, 17 Januari 2025
Ogen: Perngandungen 3: 22-24



Mbincar tep-tep erpagi-pagi



Sekalok anak, gelarna Fanny J. Crosby, asum umur 6 minggu terserang pinakit mata, *minor eye inflammation* janah ibaba ku dokter mata. Tapi kai si terjadi? kepeken dokter salah mereken tambar piahna duana mata Fanny jadi buta total ras permanen. Fanny J. Crosby, gelarna rusur si jumpai ibas kitab ende-enden subuk Kidung Jemaat bagepe KEE GBKP. "Langa bo keru keleng ate Tuhan perkuah ateNa tetap nge lit. Keleng AteNa mbincar tep-tep erpagi-pagi bali tetapna ras matawari si pultak arah kenjulu". Aminna pe turah kegeluhen si pagit ibas geluhku gundari enda, langa bo keru keleng ate Tuhan! Tuhan tetap puna rencana ibas kegeluhenku. Banci saja Fanny adi la mengalami kegeluhen si pagit, maka mungkin kita labo megiken ende-endenna ibas Kidung Jemaat ras KEE. Teridah maka perngandungen salih ku bas pengarapen. Keleng ate Tuhan e tetap ras mbaru tep-tep wari bagi matawari pultak si nggambarkan maka tep-tep wari eme kesempatan baru guna ngaloken perkuah ate Tuhan. Sabap Tuhan tetap erdahin guna memulihkan umatNa I tengah-tengah kiniseran gelah pengarapen umatNa e la bene. Penulis kitab perngandungen enda pe nuriken maka Tuhan kap baginku si iertiken maka Tuhan eme bagin si mehuli ras sada-sadana ibas geluhna ibabo kerinana si banci saja bene. Bagin merujuk ku bas sada warisen si meherga. I tengah-tengah kebenen fisik ras emosional, penulis encidahken maka memiliki Tuhan lebih asa cukup. Man baNa ngenca erpengarapen ncidahken kiniten si aktif man Tuhan aminna pe situasi tempa-tempa nggo putus pengarapen. Arapen labo ku bas keadaan, tapi ku bas Tuhan si setia.

Allah itu terlalu baik untuk tidak bermurah hati. Allah itu terlalu bijaksana untuk menjadi bingung. Ketika aku tidak bisa melacak tangan-Nya (mengerti perbuatan Tuhan), aku selalu dapat mempercayai hati-Nya. (Pepatah)